



UNIVERSITÄTS-  
BIBLIOTHEK  
PADERBORN

## **Analysis Methodica Ivris Pontificii**

**Venator, Daniel**

**[S.l.], 1579**

**VD16 V 541**

De Parochiis Et Alienis Parochianis. Titulus XXIX.

---

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

## AXIOMATA ET SENTENTIAE.

*Quota sit canonica portio debita Ecclesie Parochiali, attenditur loci consuetudo: aliàs quarta pars relictorum esse censetur, c. certificasti, extr. eod. & c. vobis, 12. quest. 2.*

*Decedens intestatus sepelitur in sepulcro maiorum, licet ipse eligere possit aliam sepulturam in alia ecclesia: quo casu ecclesia Parochialis habebit canonicam portionem, eius, quod relinquit ecclesia, in qua sepultus est, c. nos instituta, extr. eod.*

*Si vxor sepulturam non eligat, tenetur sequi sepulturam ultimi viri, si plures habuerit.*

*Non potest quis, etiam iureiurando à seipso abdicare liberam eligendæ sepulturae potestatem, c. 1. eod. tit. in 6.*

*Quibus non communicamus viuis, nec defunctis communicare debemus, c. 2. 24. q. 1.*

*Pro sepultura non possunt clerici aliquid exigere, nec consuetudo in contrarium valet. Possunt tamen vltro oblata accipere, glos. in c. abolenda, extr. eod.*

## DE PAROCHIIS ET ALIENIS PAROCHIANIS.

## Titulus XXIX.

## Continuatio.

**I**us funerandi iuris parochialis species est, & parochiarum rectoribus conceditur: quid igitur sit ius parochiale? scire conuenit.

Xx

Quid

*Quid est Ius Parochiale?*

Ius parochiale est, administrandi divina ministeria & distribuendi populo vni ecclesie deputato, ab eodemque percipiendi redditus, & oblationes, potestas, Hostien. §. in quibus, eod. tit.

*Quid est Parochia?*

Est locus, in quo degit populus alicui ecclesie deputatus, certis limitibus constitutus, *ἄνω τῶ παριχω;* quod præbere, vel largiri est: quod ibi fit sacramentorum distributio, c. plures in p'tismales, 16. q. 1. & Hostien. ibi.

*Quæ causa Efficiens iuris Parochialis?*

Est authoritas Pontificis, consuetudo, vel piscopi voluntas, & consensus Capitali, vel authoritate Episcopi. Sicuti enim illi parochia certis limitibus determinando cōstitueret, earum Rectoribus iura parochialia conferre possunt: Licet & ipso iure, illa iura conferri videantur; cū, qui vult antecedens, vult videatur consequens.

*Quæ Materia in qua? vel quod Subiectum?*

Ius parochiale consistit in iure funerandi, & percipiendi primitias, & percipiendi oblationes, & denique iure percipiendi prouentus vndequaque debitos, c. vt de iur. cis, extr. eod.

*Quod Obiectum?*

Est cura animarum sibi cōmissarum, de quibus parochialis Sacerdos Deo reddere rationem tenetur, si culpa sua perierint, c. 1. extr. de officio Archidiano. c. placuit, 16. q. 1. & c. requisivisti, extr. de testamen. Cura consistit in munere diuino obeundo, instruendo & docendo populo suæ Parochiæ deputato, administrandisq; sacramentis, &c.

*Quæ Forma constituendæ Parochiæ?*

Vt consensu Episcopi, vel superioris prælati locus certis limitibus definitus, in quo populus commoratur, alicui ecclesiæ assignetur, Rectorq; qui huius populi, in salutifera institutione, distributione sacramentorū, administrandisq; alijs diuinis officijs, diligentē curā habeat, constituatur. Qui nec alienū parochianum, nisi de licentia sui Prælati, vel ad Ordines, vel ad sepulturas admittere debet, c. nullus, extr. eod.

*Quis Effectus?*

Ipsa perceptio decimarum, primitiarum, oblationum, & prouentuum vndequaq; debitorū ipsi Rectori parochialis ecclesiæ, ob curam pro animabus sibi commissis habitam.

*Quis dicitur Parochianus?*

Parochianus dicitur, ratione domicilij: vnde si quis transfert domicilium, parochianus dicitur illius Ecclesiæ, ad quam transfertur, c. fin. extr. eodem. Sed si in diuersis locis pariter

XX 2

degit,

degit, vtriusq; ecclesiæ parochianus intelligitur,  
l. assumptio, ff. ad municipal. Quæ situm est de  
scholaribus: & iure Canonico, si de licentia Pre-  
latorum causa studiorum aliò proficiantur,  
parochiani fiunt Episcopi, ad cuius ecclesiã se-  
ferunt, c. relatũ, extr. de cler. residen. iure autem  
ciuili de eius foro non videntur, nisi per decem  
annos ibi commorati fuerint, l. 2. C. de incol.

## DE DECIMIS, PRIMITIIS & Oblationibus.

### Titulus XXX.

#### Continuatio.

**I**us percipiendi decimas, primitias, vel ob-  
lationes, ad ius parochiale spectat, Rectoribus  
quæ parochiarum ecclesiarũ, pro habitantibus  
animarum, quandoq; debetur.

#### Quid est Decima?

Decima est, quota bonorum mobilium  
quæ sitorum portio, Deo, tam diuina, quam  
mana constitutione debita, &c. Et dico. Quia  
portio, quia ipsa non ubiq; decima portio  
sed pro consuetudine locorum incerta & vari-  
Consuetudo igitur attenditur in cognoscenda  
quotam istam, c. ad Apostolicã, &c. in alio  
bus, extr. eod. Nec potest huius portio  
tudo exprimi, cum consuetudo sit, quid sit  
factum autem variũ & incertum, Dd. in l. 1.  
ti condictio, ff. si cert. petat.